

韶
東
式
齋



湘陰郭慶藩署首

光緒己丑孟冬月
長沙王氏霖臧

序

當嘉道之際吾楚以詩鳴資邵聞者鄧湘皋歐陽礪東兩先生也湘皋年少於礪東而推服其詩甚至曾文正公作湘皋墓表稱兩先生以詩相厲剖析豪釐至於書問三反室極得通則互慰大歡其專精如此故兩先生詩最有名然湘皋闡揚先達獎寵後進交與徧天下而礪東峻牆宇少許可中歲杜門不出爲人通介絕殊故鄧先生聲問滋章而非吾楚人罕稱述歐陽先生者光緒中國史館續修儒林文苑傳吾友繆筱珊編修董其事見示文苑傳豪有鄧先生無歐陽先生初續修例定專詩集無它經史纂著者不入杜浮濫也然如宋大樽吳嵩梁輩皆以詩工故得列傳而筱珊未見先生之詩亦實不知有先生其人蓋湖外文章聲氣之睽絕久矣以先生人品之高潔學問之

礪東詩鈔

序

淵裕今讀其詩猶想見其人而姓氏不登於延閣文字不能播於天下士夫之口更數百年其遺集在若存若亡間恐吾楚人亦無能道及者而先生之眞將沒矣可不惜哉先生詩凡十卷陶文毅公以道光六年彙於淮陽沅湘耆舊集梓其三卷余取校之互有得失因刪存爲二卷精詣之作略備復仿阮文達公史傳集句體爲先生傳一篇刻成竝寄筱珊且用廣其流傳庶幾異日海內稱詩者或不終沒先生乎是則余區區之私望也已光緒十五年歲次己丑秋七月長沙王先謙謹序

歐陽輅傳

歐陽輅原名紹洛字念祖一字礪東湖南新化人父基文

字同周乾隆乙酉拔貢銓就州判以親老乞歸授徒自給

性方潔天才挺拔詩文操筆立就為時所重寶慶府志文學傳早

世鄧顯鶴南村詩話輅九歲補縣學生即好吟詠所遇窮惡蹤迹

落莫無常師於詩若有天授家貧甚資傭力以養沅湘者舊集小

序博學多通書過目終身不忘陶文毅圃東詩鈔序乾隆甲寅舉於

鄉者舊集序頻上春官不得意南走粵北為薊代山海關之遊

陶性野逸不修威儀衣履敝垢岸然公卿大人中劇談豪

飲翦若無人人亦無與忤者後閉門不復出躬耕奉母非

力不食於人世升沈寵辱泊如也者舊集序一時名公雅重之

或不遠數千里殷勤致禮不至籜冠草履吟嘯清泉白石

間陶序牆宇自峻與人少可曾文正鄧湘皋墓表南豐譚光祜守寶慶

傳

學使欽程恩澤按試至郡二人皆名宿始一出與雙清亭

之會好事者至繪為圖府志文學傳垂老卜築邑城東遁迹沈

冥兀兀無共語者李洽夜談追錄自序其詩灝氣流轉含章內映精

思壯采搏結無迹沈道寬圃東集跋語然持律矜嚴鄧墓表嘗言作詩

務苦吟戒自恕或屢改而不安則竟削之又云作詩當自

寫其胸中之天不期而與古合所謂非有受於人忽自得

之今人過一地遇一人必作一詩豈吾胸中之詩哉既挾者舊集序

所業出與天下士大夫接所至折服名流少能頡頏者舊集序

與寶山毛嶽生東鄉吳嵩梁相知善嵩梁詩才罕匹嘗謂

人曰僕畏礪東不敢與敵也臨川樂鈞未識輅寄贈以詩

錢塘吳清鵬以詩求論定稱輅為韓蘇而後一人服膺如

此夜談追錄同邑訓導鄧顯鶴少輅十歲兄事之者舊集序每有篇

什輒就輅與相違覆鄧墓表輅鉤覈瑕疵不少寬假顯鶴卒

無以易其言也者舊道光二十一年卒據夜談追年七十

五志著有欄東詩鈔十卷安化陶澍槩行之陶序又手定詩

三卷昇顯鶴顯鶴為刻之沅湘耆舊集者舊輅於詩窮極

幽微偶有論斷必求通古人之詞較其得失析其毫釐多

人所未發同邑舉人李洽筆存之為夜談追錄二卷郭嵩

談追錄序子蒙字迪來邑廩生者舊亦能詩府志文奇情幽思

不愧名父之子者舊又有歐子三卷恢奇俶詭無一常語

府志早卒顯鶴刻其詩入資江沅湘兩耆舊集中者舊

傳

欄東詩鈔卷一

新化 歐陽輅

念祖

遠行。

行行何所至。乃至長安道。長安古都會。託跡非草草。朝見冠蓋集。暮見歌舞巧。裘馬飾輕肥。姻戚多姣好。願我山澤姿。夷之等。傭保窮年抱。名刺四顧無。可造人生各有得。於義未容撓。安能隨波流。弓身以求飽。

溪步。

寒溪抱山流。一徑入林樾。委折隨溪行。步步見秋月。澗草露華滿。歸雲巖壑深。回風動衣袂。肅然清客心。

有所思曲。

時序有代謝。繁華有枯榮。淒淒坐長夜。感此秋蟲聲。九月落葉下。十月冬衣成。浮雲不歸山。飄忽東西行。腫腫一片

欄東詩鈔

卷一

月隨君千里。明願君如月。明照妾幽獨。情

贈黎十。

山海紀荒怪。百困纔一黍。世無談天口。萬族滯聞覩。俚儒耳膚說。老死守蓬戶。區區誇博識。有似鴟嚇鼠。堂堂蘭翁門。百俊之所府。東牀得黎子。洵美無可侶。濛濛江城晚。寂寂山寺雨。而能相過宿。商推逮今古。長風翻洪濤。震耳駭雷鼓。奇情肆荒唐。妙解入幽阻。故人別幾時。霜翰倏軒舉。居然聃天姿。仰視空六宇。嗟余避嘲謗。久已戒吐茹。願身如河魚。有口不得語。自聞黎君談。令我喜欲舞。回瀾相春撞。嚴戒左右拒。試容老兄答。五木投一賭。狂奴態復作。毋乃忘在莒。一笑尋齊盟。歸我汶陽土。

晚霽登鶴山。

積陰快晚霽。行行陟東岑。荒塗無成跡。冥造窮幽深。陽光

忽西頽萬象歸蕭森。陰起連岡夕氣澄。遙潯適我富虛
暇。獲此傾微吟寒劣。且自足賴遂逍遙心。

雜咏四首。

盤盤大樗枝上與浮雲際。托根雖云高風雨亦已厲。凍膠
無終堅險步有時蹶。非意豈必期人事有興替。

浮雲出天末指顧生變態。及爾同本根中道忽破碎。桃李
作春華松柏簇冬黛。盛衰各有時能事不相代。憤毋怨遺
棄願子厚自愛。

褐夫睨旨酒皇皇徇其軀。夷齊棄千乘餓守西山隅。達人
忘世機未覺墨白區等之自爲耳。此繡彼有餘各自信所
知。曷用相賢愚。

驅馬衡陽道獨上青泥峯。仙人古宮觀遠在蒼茫中。我欲
望瀛海因之窮。逸蹤大聲撼巖谷長嘯臨蒼穹。披胸納雲

欄東詩鈔

卷一

二

霧吐氣爲霓虹一笑汗漫友連袂期相從。

上湘道中寄伯氏二首。

食貧乏長策駐景無良醫。相別時幾何鬢髮半已衰。出門
逐髯奴牽挽登高陂。仰觀北原上衰草何離離。泥潦布道
周豺虎夾路馳荒蹊。下絕谷十步九傾欹。寒肌發嚴栗力
苦不得支一顧。已自惜焉用旁人嗤。既無緯蕭能復無販
蔥資疏劣乃自取胡用甞斗箕。

昔我歸濱陽雨雪沾衣裾。今我發湘浦楊柳啼棲烏。屈指
未周月遠復爲遠。圖正如病羸馬依依戀生芻。吾兄茹荼
蓼傾身爲妻孥。謂當挈寸祿歸應晨夕須。豈知二十載抱
影棲蓬廬。遂令數米饜鬼魅。相挪揄人生如寄耳。遑遑欲
何需得失會有在。且復從所娛。

贈黃生。

子欲學齊語夫豈無楚咻丈夫貴勇決不隨眾波流黃河
從天來萬里窮滄洲漂泊豈足惜所患爲山湫念子有骨
力五年從我游同儕竊嘲笑屢招不回頭粵犬駭風雪此
輩奚足尤譬猶大兕角誰能直其觚愧我憊且拙曷當爲
子謀吾聞古明訓有如事田疇豈無惡草蔓惟期力鋤糞
要當恣覽索未可徒冥求如人伎膚革先用羅珍羞且聞
古傳人匪直言語優外之爲文字內之爲躬修凡厥所傾
吐皆與心神侔非身所自具言之爲贅疣非心所素了言
之爲謬悠譬彼積氣盛發爲雲霓浮譬彼土膏肥發爲禾
黍稠蘊極理必洩有來事斯酬以茲窮物變直若故物披
取如在其宮引如探其喉乃知意理絀端緣心鏡督治心
豈他圖漸漬良有由念子獨矯矯猛氣騰貔貅至寶不掩
遏塗泥豈終畱鄙人坐窮舍博占談變絲及道雖短淺或
欄東詩鈔 卷一 三

薪樵

者一策收湘湖春正深氣候和以柔咄哉返南轅相於懋

羈懷五首。

昔我來湘中春華未破萼依依戀故羣忽忽秋風作賓鴻
揚歸翰寒籟起虛壑羣陰鼓殺氣萬類就零落客心方無
藉矧此百緒著棲棲抱迷端對酒不成酌

皇皇枝上烏憐汝尾畢逋傷哉孤寒士菽水不克儲上山
采薇蔽泥潦沾我襦誰言終歲勞不給朝夕須始虞歸無
期轉有歸時虞人生處沈困何適能自如

日暮眾響寂棲鳥亦已甯吾黨二三友清琴相與橫夜月
照我牖夜風入我櫺清絃應繁指中作離別聲客子起東
牀幽淚如雨傾揮手謝吾友悲怨誰爲聽

邨雞鳴不已寒氣發慘烈披衣行東廊曖曖星欲滅主人

眷眷情留我待佳節雖非意所安肝膽令人熱履霜虞冰
至踰望知月缺此意未可忘此行難可輟

兒時厭家居有似戒羈縛近與親故離輒作數日惡男兒
不得意萬事付瓠落棲棲逐時趨俯仰增內忤懸知前期
難卽事聊自託勸哉營歡娛庶以慰凋索

初北歸沈山人招飲分賦用沈字韻。

遙遙天兩歧悠悠歲三稔問訊竟無從疏慵良已甚茲晨
荷嘉招舊跡得重審巡簷索新歡流目極幽品籬竹初解
苞牆桑始含萋噪林知鳥歸躍水聽魚淦此生憶風波彌
日動寒噤入君泉石場悟我邯鄲枕一徑蓼間風百壺花
下飲夜火薦盤殮山館雜烹飪人生但如此世味安足論
春雨已盈澤隴麥行登廩將移南中廬就爾東陽沈便當
絕囂呶永此卜棲寢

欄東詩鈔

卷一

四

雜詩三首。

颯颯暮秋雨傍晚四野昏山齋臥虛寂側耳聲轉喧寒鳴
澗溜瀉暗響山葉繁飢猿號空林烈風何軒軒百怪入幽
聽勞我羈旅魂吹燈坐前閣冥懷得孤捫

營營盤中蠅背作黃金飾誰令逐臭姿被汝好顏色納汗
不自恥飛鳴意猶得喧聲腥穢場巧欲亂白黑入室苦見
擾念當亟驅極引手懼沾觸信爾如鬼蜮

凌晨宿陰霽初日在東牖鳥雀喜晴旭歡噪出林藪過我
屋後山啼我門前柳感彼飛鳴聲嚶嚶解求友生平素心
人睽隔忽已久死者長杳茫生者困奔走觸物增歎息愧
爾意獨厚

早秋夜坐納涼。

苦暑臥北窗短簷無停搖暨茲薄暮涼起坐散鬱歎素月

麗圓景華星灼高霄方池納爽氣密林度清颺漸知秋氣
入露華滿蘭苔火雲解嚴威天宇忽寂寥結念悟元化盈
虧跡非遙抱鑑獨冥照役役何足招

獅蹲閣留題二十四韻

羣山環夫彝林壑極幽迥爭奇出變幻一一巧態逞茲亭
誰所構擇地得要領橫空闊瞻矚始覺羣妙併雲山舊相
識快我復見省有如良友別忽此接談聲長江西南來高
浪亘天騁餘波入渚嶼散亂作清影雙峯掩楓門遙遙露
煙頂坐對金芙蓉春糴耀華靚客懷久塵土忽覺百慮靜
曠蕩寄幽賞流連盡餘景巖芳擷蕪蘇澗碧窺藻荇款款
就風橙冷泠漱苔井前年涉江淮萬里行役永自懷馳鼠
長謂當獲所請孤蹤厭攀援時論忌剛鯁風塵苦淹留遂
與林谷屏邇來詰世途有似行榛梗日思追夙尙夏造清
礪東詩鈔

卷一

五

輿境謝公屐一兩陽羨田二頃所至皆可畱吾道本無町
幸謝賢主人爲我置筇管桃花春漲深乘波泛孤艇

秋夜

西谷暝色來四野秋聲起窗樹何蕭蕭驚鳴刺人耳鄉關
浩無極日月去如矢郊原遍泥塗欲進不可軌身無淩風
翰何因渡江水

松甫郎中招諸同人自宋氏園至華景洞小集

我尋北城花節序忽已往東風復多情吹此新綠長客心
懷良游林步馳遠想焉知前山轉咫尺出奇賞去郭亦不
遠有寺徑尋丈北山枕其陰一洞覆如盎始行訝偏仄繼
進造幽敞俯循重局入斜穿旁竇上維時雨初歇軒豁露
林莽危欄倚層空四顧窮曠蕩羣山東南來高植巨靈掌
迤邐不得盡作勢忽騰盪蚪盤乍回顧鵠起突前仰煙霏

變百態青縹。出萬象天公豈有意作此巧伎。爾悠悠蠻觸
場亦以貺吾黨。莫辭一罇酒盡醉。倒罌旌歡懷。送嘉言高
和答清響。往謝山中人爲我理塵埃。吾行乘飛鴻。抗跡訪
松廣。

北城看菜花作。

粵中雖瘠土民俗頗勤。黽近郊百井地種菜。連四境春深
雨初過。新花發柔穎。散若金瑣碎。搖作浪騰騁。萬壠黃雲
飛。壓地布濃影。漫漫墟舍間。迷不測。畦町我聞圃與農作
苦略相等。小人食其力。循分無外幸。日夕得所需。亦免倉
卒警。不見於陵子。負器甘遠屏。不見漢陰叟。抱甕出幽井。
此味吾所諳。此業吾可秉。安得太古鄉。往置田二頃。

書懷贈周素夫運判。

岷嶓導江漢。本自一源出。分流數千里。復共東南折。人生

欄東詩鈔

卷一

六

氣類感不在秦與越。何況粉榆間。一水衣帶纈。我生抱迷
懷。寂寂守經帙。凍蠅不能飛。引身落蓬葦。親知暱情好。瑣
技謬見掇。陳平家雖貧。巷有長者轍。英英陶夫子。謂季壽持

躬若冰雪生。平風塵中百眼不一刮。獨喜偕子遊。念之甚

飢渴。每聞談君詩。三日爲耳熱。窮秋我南來。塵鬱思一豁。
何期阻良會。君車復西牽。栖栖豫章道。相望楚天闊。寒雲

凝朔氣。風雨浩喧突。所見無可娛。一室絕迎謁。但懷君子

至。爲我破愁鏑。淹留迫冬季。晦朔雨更迭。忽聞君南還。走

乘爲我屈。我時臥旅肆。朝髮未及櫛。奮袖起塵榻。傾喜欲

顛蹙。家園近何狀。松楸想甯謐。君以奉諱歸葬適返握手相慰問。刺

刺不能輟。之子真古人。局量甚宏達。乃知昔所聞。十不盡

七八。以茲日詣君。蘭蕙肆披拂。新詩遞吟討。簡籍共搜抉。

賓友爲我招茗醴。爲我設蕭散。解巾佩雜。選列肴核酒酣。

望天表華月涌銀關五神欲飛動壯思忽騰發宇宙喜清廓妖逆就殲滅皇皇天子聖德網獵羣吉古來將相起或出廝養卒國計在得賢不以資格黜隴蜀經寇亂瘡痍待收卹與君齒俱壯意豈下時傑干將不適用不如一錐挈投身艱阻中始見利器別北斗指神京扶桑望溟渤浩歌撫長劍肝膽爲激烈

李鹿籽攝山聽雨圖。

濤聲令人壯雨聲令人遠幽人抱情懷託興殊不淺李侯攝山圖老格極疏寒方諸一痕水落紙埽林岫森然雲氣作蛟蜃走蜒蜿縱橫瀑溜飛散漫不可覓濛濛煙霧中暝色起秋晚回颺忽吹散新翠滿庭苑冷冷山泉鳴撼撼風葉捲想見新涼生琴書對清展江南我游舊勝跡憶登踐因君邱園興增我思纏綫

欄東詩鈔

卷一

七

斗垣司馬餞飲螺墩因賦留別兼呈吳蘭雪博士張

愛濤太史周素夫運判。

金風起林杪漸作落葉聲川原展臨眺已覺秋氣清徐侯惜分手餞我江上亭提攜得素侶曲折窮遙汀茲山締造初使君實經營當時手種樹大已合抱盈植爾何知慰此灌漑情君看欣欣意似爲主人榮惜哉歸計促不得尋此盟舉酒屬卹友念此風中萍請君作新詩淨埽苔石青明朝各引去相望空伶俜

奉酬孫白沙表叔見懷。

當代不乏才吾叔氣無雙綺紵訖四海望風千輩降我始毀齷時聲聞已砰聒暨來三十載覩此鬚眉厖典型仰前輩臭味接馬龐望洋挹其瀾春流浩澗澗我有城東廬小若十石艘雜還塵滿壁低斜竹支窗公來坐吟嘯鐘鏞發

洪撞古綺出墳典遺象徵翻撞山海關奇怪風騷奏琤琮
其餘百家說瑣碎相牽扛霜月照薜蘿簷風動秋缸更闌
不可了仰見斗插江我以負米故千里走異邦一朝各引
去倏如水分江瀆城少年儔積習趨雜唳眾同厭獨異吠
聲起羣龍平居不稱意忽忽如春縱寄我懷遠詩幽言寫
蘭泣我時下昭桂扁舟阻濤瀧卒卒不得報三赦知我忝
比我南游歸足音喜蹙蹙一罇就斟酌白醅倒寒缸嗟哉
世塗艱巧發無甘逢奔走不一就老大徒慳慳安得少甦
展掃迹收行驪與公北原上買田自耕耜

夜坐懷素夫。

高齋坐晴晚奈此秋意爽池波散清光林風捲虛幌伊人
去湘水徘徊自娛賞煙波懷良游歲月忽已往鳴琴寒在
御濁酒空載盞欲彈誰余和欲酌誰余享悠悠孤飛鴻顧
欄東詩鈔

卷一

八

影厲清響嗟爾有羽翼川澤亦何廣

同慶蕉園中丞保松甫比部高蒼巖少府徐復園布

衣合作畫幅。

至音以眾調至味以眾致徵材取專長不如萃羣智異哉
翰墨場出此巧娛戲國史聚廊廡借力人一臂有如曲江
游妙合五家隊又若韓孟吟兼及張李輩紛紛谿谷滿漸
漸松杉蔽漫漫峯巒青忽忽煙嵐晦乃知拙與工各有天
機在縱橫尺幅間揮灑了無礙鄙人懷往游坐覺面嵩岱
森然入深冥眩眼不可睽聊舒鴻爪痕寫寄石苔翠杜集
編嚴詩自哂眞濫廁

雜感六首。

君子懼失己達人守其順惜哉長卿才乃因狗監進憎愛
雖多途得喪眞一瞬奈何牽世榮汲汲以身徇

仙人非塵人偶逐塵世嬉。溷跡流俗中。眞性終不移。寄言西家子。瑣瑣無見規。卿相且不顧。安識屠沽兒。

屠沽有酒食。誼士常忍飢。直以知恥故。習苦甘若飴。褐夫睨一嚮。趨起何顏辭。報爾幸不死。爾生徒爾爲。

神龍抱變化。濁士焉得知。可笑沈諸梁。遂爲畫龍欺。宋人寶燕石。洛客甘蟪蛄。眞識旣不存。厚薄安所施。

心事思貯明。目事思辨色。官器無一靈。乃以耳爲食。平時誇佼佼。謂爾傭中特。故是常傭耳。何足辱雕飾。

青蠅無停飛。自負金色妍。秋蚊不知足。鑽刺如風旋。奈何所憎物。日接耳目前。安得下帷坐。一絕聞見緣。

朱虹舫學使就學署隙地爲園亭招諸同人落成。

六寓無棄壤。百類無棄材。位置苟得宜。咫尺皆瀛萊。昔我粵游日。此間屢徘徊。豈謂蓬蒿餘。倏忽成亭臺。邈迤畫欄

礪東詩鈔

卷一

九

盡曲折幽徑。開嘉樹參差。花古石斑斕。苔咄哉。席許地得此。眾妙該看君用意。處已見經世才。暇日共吟覽。春缸倒新醅。留賞不覺暝。飛英浩成堆。秀峯列我前。落影入我杯。舉酒欲相酌。玉山先自頽。青春夜方遙。急鼓且莫催。短諷紀良會。詩成聊一吟。

雨後東郊卽事。

宿雨得新霽。鳴禽有歡聲。策杖循江皋。花柳亦已榮。荒村人跡少。但逐牛羊行。縈紆下平岡。始見炊煙橫。彼居者誰子。幽蹊滿榛荆。柴關勿輕叩。恐是羲皇氓。

山居。

冥心就林臥。久與人世屏。愛茲風日清。起步庭樹影。眾芳倏焉綠。蜂蝶亦已靜。流鶯尙多情。伴我吟晝永。平生逐風塵。節物廢尋省。茲旬得從容。撫事良自幸。百年知幾何。石

火纜一炳胡爲日卒卒萬慮恣馳騁南山當戶牖百態弄
清景想見山中人窮年在靈境方將理松竹稍復翦荒梗
卽此足優游何必在箕頴

夜坐望西巖二首。

西巖夜色好已覺炎氣空遠樹初上月小樓微有風塞簾
俯青沼把酒吟晚叢一笑語兒輩若甯知乃翁

坐來夜向盡秋氣侵人多白露溼庭草疎星沈曉河客徒
亦已去幽夢誰能叱何怪沈冥士窮年甘澗阿

憶昔百韻。

憶昔歲甲戌我從都門還單車挈家室行行出幽燕是時
滑州亂官軍正雲屯行旅多戒心中途屢回旋稍逢南來
人攬轡呼與言君來經幾程此途甯可前皆言賊已平

大兵今反轅前路幸免患但苦竈井湮曉出廣晉疆浩浩

欄東詩鈔

卷一

十

腥風扇賊黨死道旁稠疊身首駢小人樂禍亂不顧骨肉
恩舉族付誅戮甘心爲鬼燐百死不塞咎此屬何足憐驅
車舍之去舒懷眺川原勞勞復旬餘道里計以千歷歷所
見聞駭愕難具宣西南指汴汝迢遞井邑連濱河望村落
百室無一椽問之迫飢餓衣履率已捐挈瓦賣富家苟且
營一殮去秋河南饑比屋各徙遷今年聞麥熟稍歸就田
園面枯無人色老少相扶牽心知無所之偃偃圖少延漫
漫沙礫中滿耳聲啾喧長跪向來客引手乞客錢甚愧屬
望意苦汝人數繁客行亦有期豈能爲汝懸戒車勿傍汝
傍汝慮汝顛戒御勿叱汝叱汝懼汝眴厄汝非我故濟汝
良無緣掩面不能視爲汝心怛然遶行堵陽道旦夕臨襄
樊此邦舊富庶始見魚稻鮮方城與漢水險要古所傳向
來豪猾輩往往爲藪淵捨輿就舟楫冀息疲憊肩暎身藍

葦間浣滌暫自便所虞伏莽戎驚我漂泊魂風鶴入疑聽
竟夕無安眠矧又楚南旱酷熱如蒸燔洞庭淺可涉龍堆
露其根山農苦焦灼隆隆枯棹翻伯什各自羣不救驕陽
輝客舟失故道日逐亂石穿長年倚檣立相顧無敢先生
平窮薄命百端困騰掀豈意險難中數口得自全乃孟秋
月朔我行歸里門登堂拜母氏仰見色笑溫絮語問寢食
強顏慰悲辛或慮寒煖失兼恐步履迤去家近十載離緒
紛無垠乍喜瓜果共始覺懷抱申須臾展重榻次第延諸
昆周詳訊時事瑣細煩披陳乃知吾里灾尤較他鄉頻閭
巷不粒食於今已三年曩時膏腴壤半作萊石田嘉穀不
生植稂莠青滿阡澤儲盡螺蛤山實窮橡榛草根與木葉
隨意遭烹煎居人死羸瘵日見溝壑填沒門鬻兒女莫肯
升斗援吾鄉本瘠土况乃歲事愆嗚呼彼何辜罹此凶耗

欄東詩鈔

卷一

辰邇來又七載水旱仍相循平民既失業盜賊盈四鄰唱
和入廬舍拔刃仇主人公然肆焚掠不問晨與昏懷詞訴
公庭翻觸官長嗔不持一錢來誰當爲爾平胥役言之官
彼富盜賊貧盜賊不足問請惟彼之詢孰云其詞直觚可
破使圓坐以誣善良彼詞安足伸明旦官吏來手攜官牒
新昂面作訶罵威勢疑鬼神呼號索酒食指顧空雞豚徒
侶責犒勞千百論泉緡鄉曲無賴徒居間肆欺誣百端亂
黑白一氣相鉤聯彼狡反無事晏然遊市廛猶復恣諧笑
攘臂誇輕儗可憐里中叟逐逐塵中奔問之涕垂頤欲言
聲復吞有罪不見詰無罪乃見論子弟昨就拘官怒猶未
檢投老亦被逮株連及姻親不惜此身死何由雪幽冤
朝廷恤民瘼誼等子若孫豈謂可魚肉惟汝削與腴古來
議弭盜事在清盜源賞之有不竊况乃罰殛存所望郡縣

良亦賴牧伯賢不見虞城令苦井成甘泉不見蘇孺文貪夫失其天祀人抱愚衷夙昔心拳拳含懣不能噫援筆成酸呻翹首北斗高我思正綿綿誰能採風謠爲我陳此篇
過繼之舊居。

夕陽下遙渚萬象倏已沈楓荻露華滿瀟湘秋氣深美人隔煙水遺跡成古今獨夜此凝望愴懷聊一吟

從軍六首。

行年五十有三矣撫己自問非無志者顧少以母養見牽近則親老子幼揆之身世益難兩營審知非世棄我也客有談秦中寇事者頗觸於懷輒成短諷示素志云耳

烈士多苦心 中夜起徬徨 頗聞賊兵動 擾我西北疆 身隸羽林籍 與國共否臧 匪云殺身貴 王事期有當 詰朝投礮東 詩鈔

卷一

七

軍牒振轡趨戎行

從軍古稱樂此語良未然臨事不知懼百患出眼前苟非分義重疇肯性命捐庶幾勉素志期以敬慎全

迢迢古長城下有役死魄傷彼秦隋士骨朽無人識男兒好身手投擲合有策生當飲仇頭死甘殉馬革君看昭忠祠蹇蹇名姓赫

賊騎中夜來舉燧如列星相顧畏我整未迫先自驚撫懷竊獨喜賊誠不足平明晨誓先登取彼鯢與鯨

疾風吹狂沙著面不得語兩軍卒然合白刃落如雨紛紛賊徒潰解甲乞就撫魁首旣誅死逐北空所部整旆歸我營萬聲競笳鼓

笳鼓且勿競健兒且莫喧此屬近邊鄙譬之芘中豚形勢已非匹況乃壯老懸幸藉主靈重得使成功邁丈夫大

有事勿狃耳目前

南溪課耕歸獨酌書懷三首

今晨喜晴煦川塗展游行行欲何爲言省南畝耕新禾
被邱壠雨澤亦已盈屈指及來朔歲事當有成連年困饑
歉比屋多戒聲閭里苟無乏亦免夙夜驚乃知衣食累賢
愚同一情疇能遺物好獨無身世營

日暮農務散歌呼滿墟陌偶逐樵侶行遂歸林下宅棲鳥
在庭樹新月上簷隙空廊交荷風爽氣生几席妻孥具觴
豆菹筍滿黃赤移歡就清曠卮酒聊自適我生豈不足胡
乃百慮積所恨無可談耿耿懷在昔

在昔吳與楊吾里稱聞人孫侯自北歸意氣絕等倫晚交
得鄧子肝膽久益親自與數子游綿延三十春每見必相
就每聚必浹旬諸老旣化去鄧子亦遠賓此意誰與俱老
欄東詩鈔 卷一 三
病日見臻庶幾肆吟覽無爲頻愴神

古意三首

飄風來無期適與浮雲遭相附萬里行未覺噓送勞與君
秦與越本自兩不識一朝忽關懷眷念入寢食浮雲無定
姿棲泊安可知陰陽有時改飄風豈常在

蘭蕙各自芳生事每不齊所望君子知移處同一畦誰言
彼芻者苟鋤漫相規冥情見攜束雜以糞菜施歲華忽晚
晚芳意從此衰徒然委泥滓何賴采擷爲

讒口弄陰機白璧使成黑矧無曾參名而涉柳下迹生平
烈士意百折終不回全心爲君傾不虞君見猜誰言江湖
遠波濤在門限門限波濤深冀君知此心

答客

屏居甘家食疏水可以娛直緣疏懶故所需良易圖朝行

涉田園夕歸對妻孥人事既罕接冠珮誰見拘今年頗豐
收入口粗有餘主婦媚其夫漸能辦雞魚昨晨聞打門力
子名僕歸自郭手持徑寸牒云了公家租老夫豁懷抱甘寢
至日晡覺來發長吟灑筆滿墨朱此樂豈易擲何爲浪馳
驅君看羲皇民焉識咎與譽

雜述三首

鳳皇舉千仞於世若無情蛻螂轉糞壤彼亦有所營鳳皇
人知珍蛻螂人知穢奈何日營營所樂非所貴

乾鵠不知往於智有所偏甘瓜無美蒂於性難兩全人事
日相倚變故難可測摘短棄所長相繩復何極
兔絲不可絡燕麥誰能穫俗流務品目名實兩乖錯苟無
飢寒慮名實乖亦可衣食業所須品目豈容左

王康侯明府宰吾邑甚有惠政士民咸樂誦之僕亦

礪東詩鈔

卷一

西

有作

熱士豔浮榮百圖逐時趨瑣瑣量肥瘠有似獵與漁質之
司牧意了不知所須操刀謬一試乃得傷手虞使君東園
來腹有經史腴寄跡百寮底含華不能攄豈知經綸手固
出詩禮儒探道得本根才略乃其餘野夫臥蓬蒿久與人
事疏但訝親串間歡氣滿四閭問若何所獲乃此歌舞歟
皆言使君賢惠績難縷書昔我困攘竊日夕無安居懷詞
訴公庭反以誣良拘自從使君來此屬始遠踰行客宿道
旁有篋莫敢胥昔我困輸納但飽吏與胥百端立名目窮
年迫追呼自從使君來民息始一蘇豈無冠者虎有爪不
敢舒昔我困里豪無事巧見誣一夫發其難百室爲之虛
自從使君來始免肉與魚懲奸迪之義乃使愧感俱誨我
若師保護我如嬰雛規我以怠佚寬我以戇愚所嗟使君

勞髭鬢日已淪所嗟使君貧脫粟日一盂自我聞此言撫
心以瞿瞿卓哉古人誼乃今見施敷投老歸田園於世誠
無需里閭苟不驚寢處亦得娛大廷急才哲德網揮九
隅薦賢食上賞此義今豈殊疇能發其光寄之重遠圖庶
幾萬里程展此驥足驅書生無寸柄禱頌徒區區敢敬作
歌詩用以告當途

送羅學博之壘歸長沙

破曉不成寐送子江上行西風吹落葉颯然秋氣盈識子
在初夏落落神宇清歸來誇友朋邑里得所型以茲奉往
復屢赴瓜果盟歡言遂彌旬益使懷抱傾山居寡酬對日
夕懷友聲生平縞紵心時有離索驚豈知歲未改人事忽
已更風鈴喧前除征馬向路鳴丈夫萬里志放眼輕入瀛
況子用世才詎可咫尺程嗟我葦門臥老病日見嬰無由

礪東詩鈔

卷一

五

共攀越別緒空屏營

贈張靜安學博家集

西鄰有佳人窈窕得正色造物定何意才贍命乃隻廿年
踟槐黃不入官錦格但聞李修古除目甚赫赫去春直銓
典分合捧邑檄翻然上書請願以學博易廣文雖云官窮
歲嚼冰檠賓朋競沮笑族黨或交謫先生顧獨喜促促理
行策謂此椀豆苟賴可守遺籍吾家昔盛時車轂百輩赤
塵土視梁肉皮幣禮賓客至今昆季行筋力困繁劇先澤
幸未衰憑藉已非昔好官多得錢思之竟何益庶幾寄冷
曹或可免詬責古人以道仕意在展宿積吾仕爲貧耳固
安宜抱擊先生真達人此語頗自匿生平孤介性有力過
貴獲風塵玩物變耳目亦飽歷歡顏聽皇琴按劍睨白璧

紛紛纓絨場情態略可識安能俯鬢眉出手就人炙古梅

雖小縣絃誦連巷陌亦有忠信才執贄待繩尺聊收拏雲
心平示踏泥迹豈曰力不任平而此姑自息我老無朋儔
抱影對蓬壁不謂君子心眷念逾嫺戚常當奉休暢慰此
暮景辰春秋趁辰辰山澤送遙覲興至命歡觴狂來灑吟
墨勉作十稔居爲君數晨夕

寄酬左仲基

宗植

學博見懷。

索居屏人事枯坐閱朝暮忽枉故人書中有見懷句開緘
瀉琅玕炯炯肝膽露恍然琴尊旁饑渴相與語生平守荼
蓼於世了無預直坐不款曲積毀漂眾煦子兮胡爲者懇
懇獨見注長言致中情未惜投贈屢華鐘鏗洪撞足使萬
口喏何知碩士胸轉極緒縷慮我老詩力退近又抱疾痼
促促無好懷何由躡高步風塵方浩蕩旦夕卽遙路悠悠
千載心期子以無斃

欄東詩鈔

卷一

六

譚郡伯

光祜

招同張學博曉出雙清亭餞飲程學使

恩澤

晚集郡齋紀事。

雙溪交清流千巖上春姿江山有如此賞心良可知使君
懷公程征軸方在脂郡伯地主誼餞飲江之湄嘉鱗薦新
材芳醪泛清卮假茲一日娛慰我千里思迴風吹溪雲岡
巒滿晨暉川光雜林影參差落人衣徘徊暨亭午松杉屢
陰移主人惜良會請首東岑歸衙齋更置酒開軒面坡池
賓從二三輩妙簡皆英奇疊接元論奕奕傾古輝歡言
不滿望昏鴉已盈枝古來勝遊地名以賢哲垂懸知百載
後金石誇邦耆賤子耳學爾未契謬見推勉率奉高矚眞
應曹郃嗤

題楊簡州瓊息園。

瓊息園。

前榮緬林杪意可咫尺接豈知數弓地蠡道乃百疊丈人

樓託處松竹皆玉立雲嵐在戶牖爽氣徧几榻半生懷家園但拄馬曹頰今晨撰遊杖始得著腳踏客來但飲酒世事慎勿涉坐我巖下屋滌我井畔渌裴回得心賞引興到刻蠟聽君醉時吟山谷響四答生平拜龐老矧乃戚黨洽定知德公意未厭往來杳西風撼林莽歲序行及臘相期春華深幽徑當更躡

書陶中丞

滿漕河蜀輜諸集後

儒術匪迂阻直爲妄夫累金椎控人頤願託詩禮器不然狙猿杙或抱咫尺義徒馬飭冠組中乃植盲晦區區官朱墨而曰汝其濟惡知所將持曾不逮駟儉中丞今偉人賢聲徧海內完然經世材豈復名一藝頃年東南災拯殖屢萬計但聞彼都土頌口莫異致乃知稽古胸固具無量智譬之有源水傾漑了不匱文字餘事耳然且古義備想見

欄東詩鈔

卷一

七

周詢時念念切民事妖星出隴徼河流屢崩潰時事方殷繁收輯其可易讀君子役篇感觸聊一喟安得飛纓人參錯皆結輩

題鄧子振

顯鶴

西園雅集圖卽寄子立

顯鶴

兼致沈

栗仲大令

道寬

睽居憶曩遊瞥若過眼電斯須再晤難何況接娛宴鄧子好兄弟早譽邦國徧豈惟擅風雅至性實無間頻年冷官署晨夕展歌拚依依驂之靳相對有餘忭秋園氣明爽招邀集時彥寫圖紀佳勝題詠滿束絹書來索我和嘉語預獎炫似虞赭白馬老韻或衰倦嗟我別季子七見寒暑變當時衡宇約矢欲老耕佃豈知人事乖巧避若鴻燕披圖默訾省增我離思纏就中東陽翁

謂栗仲

儕輩所僅見神交

十載餘而竟慳一面茫茫天涯感脈脈車輪轉百端并振

觸懷抱何由遣驚心歲時易行又迫霜霰作詩寄印友庶以舒積戀

北塲落成家瑟川翁暨同事諸君子請紀以詩勉率得二十韻美不忘規亦古人忠告之意也。

化人具天眼一粟睨萬類存亡等凡楚小大齊垤岱形家
審勢局分寸爭向背天工所缺陷云藉人事代邦人拳拳
意謂是關菀瘁歡然集嫺好輸瀉逮百輩瘠鄉物產薄羣
力豈易萃忠哉父老謀九仞竟終篋榮膺世所趨要以名
實配絲兔而麥燕於用其曷賴古時重舉選出處窺節概
當年鴻都學誼士且羞廁際合偶然耳觀聽將弁至敢告
吾黨士茲義憤毋昧野夫懶無營但假臨眺快凌晨款危
蹙徙倚至日晦年來屏酬接漸苦腰腳憊獨此溪山娛夢
寐餘興在故柯烏知倦枯柳馬便平疥常當挈卮酒遠豁
清淨昧

礪東詩鈔

卷一

六

織絲歌。

牙鉤落手搖琤琮飛紗挂煙窗曉窗銀梭翕翕牽綫長照
簾白日生霞光雙竿交穿鳳皇翅倩絲巧出回環字自從
枯眼對青銅凍剪霜粘十年事碧桃花謝垂楊老魂飛不
到咸陽道年年珍重寄春衫何許關情似春草清宵可憐
淚沾臆眞珠點滴芙蓉色想像秋絲一搦腰盡日相看不
相識

番公謠。

博羅古洞生紅毛石棱萬疊交戈戡上有鍾乳千年膏蟹
人踞虎操蠻刀割取寒玉雙紫梢釀爲美酒青蒲萄一斗
論價黃金高樽前紛紛解豚羔健兒袒臂意氣豪斷筋作
欄東詩鈔 卷二 一
脯遺老饜番公斜坐屈兩臙大卮一瀉如狂濤聽歌不惜
歌者勞曉籤已報雞三號

古怨詞。

溼雲寒捲西風起羲和影落黃塵裏繡樓花榭不聞聲竟
夜寒眸墮鉛水衰燈照雨愁黃昏寒蟲亂吟秋草根一生
幽夢怨洮隴終古杜鵑嘯血痕青門宛轉隨青草分明望
見金城道菖蒲愁謝君不知蛾黛從今不須埽

代贈。

冷紅點臂春華滿金精破凍玻璃盃西窗一縷合歡煙盡
夜東風吹不斷屈膝雙開漏新月風前宛轉歌聲發越羅
搖動翠波翻薄薄春寒透花骨河鼓青青隔皇子中宵望
斷長河水一年幾度是秋期坐遣春花簇紅紫愁人最有
垂楊樹祇解臨風著飛絮歌脣一夜割柔腸水珮風裳莫

將去

擬古上雲樂。

迢迢春城夜鳴柝天孫散絲縮雲腳西來青鳥卻飛回空
翠冥冥管絃作長河玲瓏一條水鎖斷陳塵三萬里蕊珠
清悄繡簾深玉翻雙扶彩鸞起海綃掠手紅斑斑回風弄
影雲屏間夜涼殘語不知曙十二玉樓開曉關墮紅委地
煙花亂輓轆汲水愁中斷安得金莖入霄漢夜夜瓊臺眼
前看

和唐吉人使君觀妓席歌舞。

花廊夜永調銀簧美人窈窕登華堂折鬻垂手不可辨遙
看羅袂當風颺繁絃嘈嘈隨意鼓循聲忽變驚鴻舞回翔
欲下鴛鴦茵更作低斜小延佇使君謹呼更酒籌荷盤重
翦琉璃毬一時滿座傾醅醪何處春風飛栗留涼天皓月
關東詩鈔 卷二 二

劉巨臣江湖春漲圖。

老髯作畫有神勇畫水能令水波動笑拈枯筆點林巒坐
見寒光上邱壑長林號風白日暮崩濤連天若山涌榜人
喧呼百賈亂萬艘縱橫下鴻洞須臾揮灑成大幅滿堂觀
望神骨竦打頭忽覺雨霏霏側耳似聞聲洶洶當年吳生
誇絕技時武陵吳秋陽以畫名自言筆法師巨董府丞北壁寫屏障

傾國來觀趾連踵苦遭摹擬失生態亦嫌位置稍繁重紛
紛麻彭更無論時又有麻氏彭氏陳名濟邵間毫端滿眼塵氛壅正如村

姬倚熱市塗澤雖多終闢茸髯畫獨得意意外意老韻蕭疏
掃浮冗細看肌理卻細膩餘事時時到螺蚌鷺鷥貼水蓬

鴻翔毫髮纔堪辨，牝駝吁嗟老髯木。已拱此幅應須等，珪
琪君不見蔡家書法失，眞傳他時苦伐章。郎家

春游豔歌

江堤春老垂楊密，風搖曲渚鶯囀急。長楸落日青鸞鳴，平
原綠草萋萋縈。縈回遠出東城道，東城看花開正好。花前
溪水千尺流，隔溪望見花間樓。樓高花深望不極，相思化
作雙飛翼。雙飛宛轉何處尋，飛花零落愁人心。

七夕和錢襄山學使楷

玉輪半展秋痕靜，翠幙翻波透斜影。珠林華露溼虛空，十
二天街風氣冷。終古河梁瀉清咽，未必仙人怨離別。同心
天遣各東西，可嘆歡娛有衰歇。流霞雜遯宵煙起，雲輶知
在煙霞裏。秋閨兒女漫嬌癡，竟夜西風射眸子。雙星酌女
罇，酒清人生有情山亦傾。長歲相望不得語，碧海青天柰
何許。

卷二

何許

松甫招同朱小岑布衣胡維君徵君楊世滋孝廉壺
山看桃花以花塢夕陽遲分韻得塢字。

壺山去天一尺五，下望羣山紛可數。東風載酒遠相尋，知
有桃花在深塢。春雷打徹涼州鼓，九十春光遽如許。朱霞
聯綿千萬縷，風前綺浪軒軒舉。絕憐幽賞失良期，已過花
朝數番雨。美人遲暮柰愁何，脈脈芳情欲誰語。空山無人
僧舍古，一杯屬君君聽取。灘江回首春欲闌，滿耳新聲囀
杜宇。詎可花前不醉歸，便遣恩恩踏花去。

穿錢眼

穿錢眼斫楊頭，忽爲婚姻忽仇讐。錢塘解兵三叛死，坐嘯
江淮制千里。何知一紙判官符，禍在他年寢宮裏。參軍怒
詈蒼鶻，太阿倒授他人矣。吁嗟乎悍兒方踣將軍笏，雷

塘終沈壯士骨請君莫望錢眼穿東海鯉魚飛上天

南昌送別所親歸楚。

欲融不融城上雪。欲落不落江上月。江上月皎如雪。清秋已過月又圓。可惜圓時照離別。楚江天寒夢澤深。楚山萬里何蕭森。送君南向楚天去。楚山楚水愁人心。岳陽城外重湖繞。湖中一點君山小。山前叢竹淚斑斑。怨魂吟向霜天曉。君行聽此哀吟聲。寫入十年羈旅情。北山前約儻相待。看余濯髮滄浪清。

章門留別吳蘭雪博士

嵩梁。

江淮經年客遊倦。臨行始識吳侯面。豫章西城一杯酒。醉促秋鐙把吟卷。九疑聯綿風浪高。楚天萬里心鬱陶。見君狂歌喙三尺。使我不復歸心勞。愛君苦恨識君晚。檜柏虛堂夜涼滿。百篇新詩吟向人。未覺前賢去人遠。中天高插文昌臺。公卿誰薦薦相如。才生年四十。髮半白。草草衣食趨塵埃。吁嗟乎丈夫胸中抱奇策。但以詩名亦堪惜。奈何局促塵泥中。更用疏狂相詆斥。秋風滿眼行路難。別君且去歸舊山。他時儻放瀟湘棹。訪我石廩芙蓉間。

衡江逢陸子羽之江西賦別。

衡山弄影清湘水。一朵青煙沈水底。江頭秋月送歸人。盡夜舟行鴈聲裏。衡陽東行望廬山。長江路繞長雲間。北風吹衣歲欲晏。陸郎去矣何時還。

北平試院聽松呈祝與亭太守。

北平試院雙古松。兩年見汝冰雪容。升堂掃榻三日坐。愛汝謾謾窗前海。門高寒朔氣動中宵。起舞舞鞭虬龍初。疑江湖夜潮滿。倒瀉谿谷穿堤壩。忽如萬馬蹴堅陣。鼙鼓雜還旌旗。訖須臾急雨灑簷瓦。半天瀑溜鳴淙淙。山岳擺蕩

天地震鬼神戰鬪雷霆雄眾山聲勢亦相倚萬竅響答迷
西東夜深側耳不復寐起對燭影搖殘紅心驚所託定何
所此身似在蒼茫中曉來影定響亦寂兩株蒼玉撐晴空
回颺吹散夜來雨化為十頃煙嵐濃兩廊晝敞秋日永諸
生程藝聲隆隆舊遊檢點了無恙但有微徑蒼苔封我生
漂泊落塵海淨萍備歷風波攻人間變幻有如此嗟爾閱
世霜髯翁午窗吟諷寄遙慨中秋日懸瞳瞳

畿東喜雪呈與亭。

北風勁掃邊城沙天女躡雲來散花夜軒已覺曉色入披
衣急起窺窗紗紛紛初兼積霰下片片自逐回颺斜深冬
百卉零落盡忽訶庭樹攢霜葩蓬萊宮闕出縹緲珠樓粉
堞森相遮天公莊嚴妙色相仙人羽葆隨雲車寒光落我
牖戶裏使我神骨俱清華凜然如踞玉京地不敢咳唾輕

欄東詩鈔

卷二

五

歐哇燕山東來三百里羣峯宛轉如龍蛇一朝玉色失蒼
翠放眼但覺天無涯人言瑞雪兆豐歲不須更祝蝗成蝦
使君日夕念民事對此十倍歡情加畿東春事差較晚二
麥入土纔萌芽明年客跡儻未去亦免米貴羈人嗟雲煙
滿眼此吟望歲云暮矣山川賒誰言清貧百無有堆庭瓊
玖聊相誇不嫌措大裂風景更埽落蕊烹新茶詩成視公
博一笑凍呵墨瀋如塗鴉

青驄馬。

青驄馬君勿馳殺君馬者路旁兒關河凝陰霜雪迫草枯
泉乾日向夕問君持此欲安適生平心知猶兩歧何況紛
紛輕薄兒交口譽君君不疑背脣弄君君安得知君不見東
野回翔盡馬力一朝顛蹶爲人嗤

爲慶蕉園中丞題泛月理琴小幅。

空江冥冥生古秋。寒潭散影如雲浮。夜涼瑤琴發清弄。數聲遠出滄浪舟。微風冷泠天在水。雲之君兮渺千里。洞庭濯足望八荒。興在清湘。鴈聲裏。素波橫。天霜露寒。西林月斜。更欲闌。蒼生相待景風起。請君更舉師文彈。

蒼巖少府爲蕉園中丞作覓音圖梅花風雪中衫笠騎驢二童挈琴酒隨後蓋湖洞伊人意也。

化人不著聲塵相。偶出邱園薜蘿狀。風衫雨笠試清吟。詩在溪橋驢背上。梅花雪後開。滿林巖谷冬來淨。無障伊人相憶。又經時。惆悵衡門掩孤嶂。道旁爭訝使君出。不見高牙捲如浪。豈知風流老羊傳。但有琴罇作供。張罇中綠酒琥珀濃。琴上清絃水雲漾。芳時難得賞心同。會埽莓苔展臨望。高侯山水擅家法。迢遞川原寫平曠。人間此境在何許。令我注視忽神王。笑看游騎去。怱怱已覺春陽生。益益

備東詩鈔

卷二

六

來朝更待山櫻紅。幽徑不嫌重一訪。

舟行望梅口諸山。

寒流沿巖西復東。扁舟出沒煙蘿叢。溪山四轉雲木合。雖有去路知何從。我來已歷萬山險。而此尤覺體勢雄。一山未盡一山出。滿眼變幻煙嵐濃。岡巒綿互不可辨。但見青蒼一氣相。溟濛我知道。物有深意非獨險。峭誇神工瘴鄉文物頗岑寂。別假藻飾難爲功。拌將物外數百里。插此千巒青芙蓉。客行涉此亦偶爾。未能便學東園翁。篷窗日永作酬對。一杯聊瀉蒼茫胸。孤村傍晚風亦靜。回波影落激潭中。醉窺潭影忽大笑。青山照我衰顏紅。舟人相顧竊指似客今醉矣。罇壘空。先生倚枕默不應。臥看華月生西峯。

謝鄧雲渠茂才惠茶兼寄令弟湘臬。

扶陽古徑苔封壁。千歲凝雲鍊寒液。火前風雨一聲雷。始

見春旗一痕。碧鄧侯於我情獨親。致此十斛霜輪困開面。
領取色香味。但見舌本餘雋。經旬新自從茗飲。遍中國紛
紛。蜀閩人愛惜。誰憐尤物。阻荒隅。獨出羣材世。無識竹窗
五月。南風涼一甌。綠乳搖晴光。遙憶君家好。昆季正似此
味清。而長寫詩與君聊一戲。兼煩寄語長頭弟。我無權倖
可鑽營。待君偕來解晨醉。

鄧庭維先生松堂讀書圖爲哲孫湘臯賦。

澹東鄧子吾。同里廿載追。隨若昆弟。兩家相映。澹水居中。
隔一牛鳴地。耳君家。大父松堂翁。閩里爭傳翁。愛松至今。
先生讀書處。時有虎魄藏。蒙茸我來訪。翁林下宅。不復歌
聲聽。金石森然對。此孫枝青想。見老松。冰雪格。羨君世德。
如松風。百年三代清。聲同此詩。此卷好珍惜。君不見豪家
苑落生秋蓬。

欄東詩鈔

卷二

七

君不見四首。

君不見府中赫赫朱邱伯。豪奴坐門頤。使客當時趨事誰。
最賢江淮弟子身。手全華鏡。宴罷照歸路。珠衫一抹胭脂

鮮。君不見嬰兒縮頸怯狐鬼。眼見鬼符驚欲死。千金易餅渠。
豈知平時雄烏。今變雌。吁嗟男兒不自惜。當時可笑髯如

戟。君不見梁溪妖魚作人形。手足僅全雙眼瞑。邯鄲瞽婦失。
馴養公然白日吹風腥。可憐老僮錯膾汝。兪兒識味眞虛

語

君不見海濱蒙子髮覆肩。一朝躡雲飛上天。居人奔走汗。
相屬俱言奉佛。今得仙船頭珠兒。汝勿哭。汝當拜佛往求

福

中秋夕送雲渠還山。

六街洶洶笙歌發。一夜游人滿城闕。挽袖留君君不留。欲去西山坐明月。城中亦有明月光。君言城居不及鄉。萬家鐙火闌不徹。何似山中一色皆清涼。我家去城纔十里。全家卻在煙蘿裏。今宵見月月應曠。曠我來歸自城市。紛紛酒食招邀頻。君等真是城中人。村居那復解辦此。亦恐喧舞驚鄉鄰。知君此意留難住。我亦心懷水西路。回頭笑謝陳孟公。還君明月偕君去。

西家兒。

金縷盤雲著。雙鳥官樣。紫藤高一尺。人前楚楚君。勿輕胸有梁園四十八。門冊沙塵浩浩。桑乾河可憐。汗雨傾滂沱。問君走馬亦何事。來應不求聞達科。昨夜傳呼閭巷徧。云是西家兒子新。獲選阿婆歡舞蹋。破寶賀者喧騰觀者羨。欄東詩鈔

卷二

八

東鄰老翁三嘆咨。見汝少時嘔棗梨。公家了事但須此。何賴屹屹窮年爲。

對酒放歌。

大鵬搏風九萬里。下視蓬瀛一杯水。下士聞道大笑之。人世茫茫安有此。而足躡蹠而言徐。而髭鬢好腰腹。腴案頭一帖司祿字。從此可廢詩。與書先生獨飲默。自啜野夫那復與人事。雷霆靜聽吾不聞。風月可憐君且醉。君不見江東步兵張季鷹。縱任不知身後名。又不見人中高識蘇門子長嘯聲。如鳳鸞起。

慶蕉園中丞山居春曉圖。

玉河風暖朝初嗽。黃鸝三語窺春園。蜿蜒細徑轉平麓。中有謝傅城南墩。先生廣廈庇萬里。下指海微難爲藩。誰言揮斤八絃手。戀此十畝藤蘿垣。溪山檢點出毫末。粉本妙

入荆關門青楊之脊白楊妥閭里近接炊煙昏乃知至人
寄物外出處不以形骸論簪纓豈必異寒素跡所偶涉非
心存東廳鴟尾高嶙嶙九重已著新巢痕待公功成訪黃
石會有虎魄生松根

次韻留張十一丈。

張侯自以冥名叟閉門一日三緘口誰令此老落江湖終
歲牛衣露肩肘君家兄弟盡傑出阿大中郎比諸舅仲英
慷慨雄千夫季美昂藏射鵬手君名雖復隗諸生君才更
出諸弟右莫嫌饑腹困藜羹快劍終當發雄吼我生羸疏
百無當已分耕稼歸隴畝生涯歧路逐亡羊世事浮雲變
蒼狗眼中擾擾昨暮兒抑鬱此居邴得久惜君馬首行欲
東令我羈孤落君後曉窗促坐聽晨鐘夜雨何時薦春韭
湘南春事正愁人早見新黃上隄柳提壺催酒鶯喚人如
礪東詩鈔

卷二

九

此風光暫回首請君下馬卸征鞍且可高歌拍銅斗

東明寺。

相公不識西園雨橫打燕山兩頭鼓天南不賜逐臣環從
此降人作謀主玉津園畔齋宮頭臣攸親見雲輶遊但問
君王乞閭四唾手便可收亡州白溝咫尺燕雲路且夕齒
寒君不悟可憐一紙平夷書催送宮車北遷去嗚呼媼相
不足誅柄臣謀國何乃愚破宗謠起天下怨尙復遠黷邊
功與城南七尺埋羞地年年寒食游人醉千秋遺笑太師
青一杯誰酌東明寺

醉起。

醉起步幽徑西園春已輝好花扶檻立嬌鳥近人飛素侶
無多在青山恨晚歸疏慵誰過問不用掩荆扉

池上。

山中始秋節池上已涼生蘿月不可埽松風相與清散懷
幽徑熟隨意素琴橫始信林泉侶非高石隱名

廢寺。

山月闌無色溪風寒自喧薜蘿秋入戶魍魅夜窺門空有
殘碑在難從積蘚捫巖宵成獨坐時復一驚魂

宿南陂。

洞門雲氣掩餘暉風葉蕭蕭亂打扉破屋夜涼知雨過空
林鴉噪有僧歸苦淹人事真無那便息交遊未覺非寂寂
南亭山色裏臥聽清梵欲忘機

鶴山三面臨江皆巉峭壁立土人呼爲三面險有廢
庵畝許出松櫟間夜宿聽雨。

沿山松櫟浩縱橫都作中宵急雨聲野市自憑三面險江
湖應是十分平愁來夜半青鸞舞感入春殘白髮生我自
礪東詩鈔

卷二

十

天涯搖落客可堪羈思對孤檠

寄答王仲玉效義山。

雲母懸燈爝炬紅碧虛樓閣望冥濛香欄膩瀉重霄露繡
馬驕嘶午夜風可柰影迷珠錯落莫猜聲斷玉瓏璵生憐
一片秋葵錦暮向西階曉向東

送高德醇之漢南。

瘦馬立風鞭在手亂沙捲地月當頭十年一劍漢南去萬
里五溪天外流遠樹影沈知向曉斷鴻聲杳不禁秋愁君
明日清湘道山徑漫漫雪打裘

示松。

黃葉林中結短籬竹窗清宵映疏帷窮年著我冥心坐百
輩從渠振眼窺蝸角有名眞自辱棘端誇巧定誰欺人間
何許關心計休信兒曹道叔癡

過鄧子玉留題西溪草堂二首。

此生眞作斷蓬游不到西溪近五秋記汝童時細腰鼓慙
余別後敝貂裘暮林杳杳寒光入平渚昏昏水氣浮誰道
蕭條村步裏曾經三駐郭翻舟

重來又得越旬留問訊親知半白頭去國人如秋後燕思
歸夢狎海邊鷗平生可笑營三窟往事眞堪鑄六州相對
寒鐙忘夜永坐看殘月上西樓

寄答世滋。

鎮日狂吟獨閉關誰憐憔悴鬢毛斑姓名不落公卿裏身
世眞投醉夢間元伯經年成死別謂藺柴翁虞翻終古未生還
謂白沙湘沅千載埋冤地老眼甯勝涕淚潄

王襄孝廉劇席次石門山人韻卽送西歸。

春市沈沈夜漏長中宵絲管沸華堂清罇雪瀉龍頭酒繡

礪東詩鈔

卷二

十一

箔風吹象口香解意亭軒花爛漫照人歌舞月蒼涼不須
惆悵西歸路且趁東風一舉觴

松山北庵宿雨後江隄遣興。

分流溪水自西東水際楓林爛漫紅背嶺一庵容我拙過
江千嶂有天工雷聲度峽收殘雨日氣穿雲作晚虹更埽
北窗留信宿夜欄憑對荻花風

江樓示鄭生。

南隄清迥接江樓幾日塵蹤得小留自笑長卿惟酒異人
稱東野是詩囚蒼梧山色千林暝白竹湖波萬頃秋聊欲
縱歌攄旅望憑君爲解玉雙鉤

柳州道中。

楚雲南望獨宵征天際悠悠指去程千點亂山縈象驛一
痕殘雨下龍城寒林照眼知秋氣遠瀑盤空作怒聲自笑

蒼黃埃霧裏據鞍詩思尙縱橫

過繼之宿

溪北溪南兩玉屏。雨餘嵐氣倍青青。但教山色終年好。何礙柴扉竟月扃。竹瓦小樓延午話。石牀殘暑坐風櫺。酒闌笑索林間味。知有園蔬萬箇釘。

重過紅鶴菴題壁。

映水苔扉百尺懸。雲巒煙樹遠鉤聯。驚心桑下曾三宿。彈指天南又幾年。山色青憐春雨後。江聲寒落酒罇前。他時重問留題處。可許經臺續舊緣。

湯陰書感。

杭台殘劫了無成。更遣鴉鷗恣意鳴。眞見夫差忘死父。可憐道濟是長城。雲山不變輪囷氣。滄海難消哽咽聲。卻怪老儒言行錄。尙排公論作疵評。

欄東詩鈔

卷二

十一

寄晏幼瑰孝廉。

京華三歲共萍蓬。去路悠悠更向東。五夜夢回秋塞外。一天霜在鴈聲中。紛紛蟻蚋知何事。蹙蹙塵泥誤乃公。爲報居鄰羊仲道。故園松竹又西風。

九日寄懷周素夫時濱東有滑亂周方在東省。

長春祠畔老莓苔。佳節年年此坐來。舊侶半隨秋雨散。黃花猶傍短籬開。關山幾處經戎馬。義勇何人出草萊。眼底分明青兗路。好書聞見寄燕臺。

西園。

手栽桃李近成行。僻墅春深引徑長。看展濃陰迎曉日。恰分新綠掩回塘。蝸牛終見枯黏壁。螺贏何知醉有鄉。從此眞成歸老計。向來荆棘莫相妨。

理竹木自遣。

臨水一塵雙掩扉。森森竹木蒼四圍。嬾雲挂枝不肯去。獨鶴穿陰時自歸。擬作回欄出前圃。更疏幽徑上遙磯。此生久分老岑寂。何待而今方息機。

夢遠適登陟甚憊。忽風雨驚覺枕上賦此。

幽棲粗覺數椽完。豈謂驚魂老未安。萬里關河孤枕夢。五更風雨一鐙寒。磨牛陳迹知何益。郊馬乾皮亦可歎。卻笑天公眞相汝。不教迷路到邯鄲。

戲效演雅。

終宵擾擾鼠盜肉。竟日營營蠅虻蝻。嶺表蚶蜊俱有翼。淮南雞犬亦登仙。蛙當給廩何云磔。雀解依人劇可憐。笑汝沙頭老黃鵠。夜涼翹頸望霄煙。

題呂氏家傳後。

北平呂季璋秀才遇余於益陽舟次。酒闌出家傳

嘯東詩鈔

卷二

三

相示云。其六世祖僉事公。舍於勝國。天啟間。上書論邊事。斥闖黨。謫死嶺南。瀕死猶作書。欲致當事。而有司無敢達者。比公子士儀收遺骸歸。始獲草於衣帶間。辭旨憤切。若不知其前以言獲譴者。吁其可悲矣。今書具詳傳中。士儀亦以甲申率鄉義勇死國難。余惜夫誼士之死節。而史無傳焉。賦此備徵軼者。採訪云。

遺老都教一網除。紛紛猶復假邊備。疏中言內騎四出。額外誅責皆以邊餉爲名。百年親見銅人泣。萬死誰傳雪窖書。冤鳥猶思石填海。怒蟲休笑臂當車。前朝舊事那堪說。簡蠹摩抄恨有餘。

書惱。

老嬾仍教百累攻。誰言無物礙虛空。眞看格鬪同蠻觸。可笑誅求到鼠蟲。井底偶人猶自大。河濱愚鬼尙論功。惟應

白眼廚頭客終古猖狂泣路窮

晚晴步江隄看桃李花。

江城新喜豁陰霏得趁游人踟落暉正恐鶯花如夢過早
鶯蜂蝶作團飛凝雲礙路難通展香雪迎風亂打衣老去
自憐情味惡尙餘幽興爲芳菲

睡起雨甚成句。

鴨鑪殘炷裊餘香小閣陰深午正長客夢忽驚檐雨急虛
堂先送竹風涼山泉瀉綠穿莎徑壁辭分青上石牀便擬
窮年守元寂人間何事漫思量

聞蔣定甫自章門移嶺南卻寄

頻年薄宦滯江潭聞說征車更指南信有才如千戶劔絕
憐身似再眠蠶夏陰憶汝翻絃雪夜雨何時聽石楠無限
天涯離索意白頭振觸倍難堪

欄東詩鈔

卷二

古

感興。

碧海青天路渺漫層城何處玉欄杆空聞羽客誇鴻脯曾
見仙人食馬肝幻夢可憐車上舞癡魂終作案頭乾琅函
一幅雲煙字莫道深文索解難

喜晚涼獨坐遣興。

橫塘夜永涼侵座虛館秋激爽透肌鐙影自搖人散後茶
香恰到酒醒時浮生擾擾悲歡夢過眼紛紛黑白棋老嬾
那能知許事且評風月把吟髭

晚登橫州城望。

落葉聲中日又殘荒城清夜此憑欄九秋星斗盤空大萬
壑風濤捲地寒了了鄉音知鴈戶
粵中大半皆濛濛山色
吾楚徙居者
是珠官虛敖漫自貪奇勝未覺人間八極寬

過思陵。

彼狡何人肇禍源。休將殘局咎神孫。漢家十世真奇厄。蜀帝千年有怨魂。魂下苑草深春晚。晚長林風起月黃昏。愚生忍話興亡事。聊爲君王拜寢門。

晚食示唐郎植。

一飽無勞併日營。隨緣鄉味得煎烹。風爐小試犒頭菌。雪碗分嘗粟子稷。吾鄉稱早稻差晚而赤色者爲粟子稷。捫腹未應慙肉食。支腸差免作雷鳴。來朝快意君知否。新見彫菰茁短莖。

早甚夜忽大雨喜而有作。

漫天雲火雜塵埃。炎氣輕旬黯不開。一夜雷霆衝地起。萬山風雨過江來。頗聞望澤連州郡。更說瀕湖半草萊。天意共知仁愛甚。坐叨甘食愧非材。

別仲端四十五年今冬惠然過訪兼出見贈詩二章

辭意悽警讀之殆難爲懷。即用其韻酬之。亦以見同

礪東詩鈔

卷二

心之誼老而愈切也。

頻歲鴻書入夢思。今晨喜共一尊持。相看鬢髮非當日。略
有音容似舊時。二惠可憐旗獨爽。謂玉焜諸郎聞說。能久逝。詩。西窗松火連宵語。未覺庭階月屢移。

天涯四十五星霜。老去心懷倍渺茫。世事拋從雙白眼。人生堪熟幾黃梁。紛紛蠻觸喧爭裏。擾擾雞蟲得失場。俯仰此身空健在。誰能前路指迷藏。

錦石峯寺小憩憶僕年二十六七時此間游處經歲

不勝今昔之感。

古寺雨餘苔滿扉。老藤垂陰周四圍。溪風吹酒坐來晚。山鳥狎人鳴不飛。舊社僧徒已無在。當時居鄰今亦非。眼中故物定誰是。羨汝錦紋雙石磯。

臨榆送人出關。

萬古傷心處。關前送客亭。不堪城上望。風雨畫冥冥。
柳。

裊裊平垂地。青青半掩樓。憐渠春色好。祇是不禁秋。

發新窻。

亂山遼闊雲無邊。南旋正逢秋暮天。荒邨日晚北風起。黃
葉落滿鱸魚船。

遣懷三首

虞叟擔簦曾去北。馮生彈鋏又從東。回頭一笑三年事。悵
臥暮窗寒雨中。

北平飛將萬夫雄。猿臂爭誇挽健弓。空向灞陵原上獵。漢
廷新策衛青功。

癡妄空教百慮攢。紛紛觸總無端旁。人錯料維摩病禿
髮。籠肩倚藥欄。

礪東詩鈔

卷二

六

戲書列仙傳後。

不道窮山甲子遲。百年身世等風馳。黃金歲月渾拋卻。偷
看仙人一局棋。

劉諫議墓下二首。

從古危言是禍胎。幾人身與國俱摧。君王畢竟能容諫。終
許先生過嶺來。

羣兒誇說犢車游。幾許相輕滯土牛。休道科名風漢少。人
間李邵亦千秋。

柳宗元祠二首

耳食紛紛說韓柳。南來遷謫亦同羣。如何寂寞千秋後。但
有人誇諫佛文。

餐英飲露襲芳菲。澤畔從來楚客飢。卻喜前無八司馬。南

中山水自清暉。

冀州塗次。

瀕洞風塵萬里餘，癡兒可笑耳生車。都誇官似林牙好，誰爲荒墳讀漢書。

春來苦陰，茲二月八日矣。喜晚晴，有作二首。

邊城十月早飛雪，直至春深猶未融。誰言寒日淡無力，晚勢亦作燒天紅。

溪水已添三尺綠，柳芽纔放一分青。不知何事朝來雨，猶帶榆關海氣腥。

可嘆二首。

十年夢墮塵泥裏，幾輩相誇快犢車。正似江南徐正字，新歌一閱賣中書。

暖雪寒花得暫榮，紛紛蠅蚋可憐生。君看淮上琉璃冢，奕世無人識姓名。

礪東詩鈔

卷二

七

苦熱就涼李氏水榭四首。

新栽桃李未成蔭，驕陽橫天夏日長。晚來一雨不易得，愛汝水榭西窗涼。

西窗長夜祇獨坐，耿耿鐙影生華蕤。取書欲讀苦漫滅，白嘆吾衰非少時。

男兒頭白最可惜，身世半已成蹉跎。風塵荅荅更回首，豺虎縱橫歧路多。

此生已分老桑苧，衣食纔足吾無求。君看華陽陶處士，坐聽松風樓上樓。

感事二首。

休論百萬買垂和，棄擲誰能著手磨。好事諸梁君莫笑，人間如此亦無多。

世事何如吹劍首，生涯真似斲牙頭。年來萬慮消除盡，歸

看湘山煙雨秋

晚秋涉江至南溪三首。

桃港吟春曾幾日菊花浮酒又重陽人間歲月如流水忍對西風不放狂

過江山色青如畫臨水人家澹欲仙細數歸舟沿蓼岸閒看馴鵲下墟煙

江頭竟日不歸去興在南溪落照旁聞說前山楓葉好更須留看萬株霜

聞鐘。

平野霜時獨倚筇忽聞天末一聲鐘秋林滿眼雲嵐闊知在西溪第幾峯

六絕句。

溪流活潑新春雨山色模糊薄暮雲到眼都闌嫉老計怪

礪東詩鈔

卷二

六

渠塵事日紛紛

經生但識李少府學士安知張趙王俛仰人間自今古干卿何事費評量

穴中竊寵未爲得寶裏談天亦有涯樂汝無知真汝福不勞腥腐過相誇

孔雀未知牛有角黔驢安意虎可蹄汝曹生計殊草草始信天全是木雞

一窗蕉影晚風細滿地露華新月高埽地恰能容酒匜研朱時爲注離騷

心頭大有千秋事眼底安知昨暮兒笑謝主人吾老矣可能風雨漫追隨

僕不解書而見翺者無已俗子又以村豪惡札相窘

甚苦之二首

里耳當爲折皇喜穎琴宜請卿相歌若云爾曹解好事奈
此滯人荆棘何

頗哀老子毋相溷傳語本官今斷屠我自不材無世用莫
勞銀鹿躡門呼

釣臺二首。

一代中興開氣運主臣風義兩峻嶒僉兒謬作飢鴟嚇可
笑人間有范升

千載鄉邦誇舊蹟荒臺猶自指林於卻嗟不及牛君直舉
世無人識里居

納涼留友人坐二首。

驚秋已覺蟬聲老怯暑仍貪樹影涼六簿分曹棋對局且
留君住待斜陽

曲沼沿牆四面通一椽相映蓼花叢與君試啟東南牖共

欄東詩鈔

卷二

九

坐玻璃萬頃風

自嶽麓曉行涉南湖港。

斗酒新探麓口回又扶殘醉過江來不知風雪城南道昨
夜梅花幾樹開

華容道中。

細路千盤上石門望中鄉甸雨昏昏人煙一道隨溪轉知
是湖西第幾村

有答二首。

集賢三館近蓬萊物望同傾博雅才聞說南臺新柱史急
章先劾鄭州來

行家官錦最時宜花樣新裁世豈知贏得歡聲滿閭巷人
間原愛瞽兒詞

秋夕寄懷敬之郎中季壽明府二首。

韋廬詩老今何似相望關河歲五周料得東軒風露下白頭吟對菊枝秋

元亮之官非本意近傳音信落并州人間束帶君休怪不拜兒曹拜督郵

葉方伯 紹奎 祝廉訪 慶承 宋觀察 鳴琦 周觀察 藹蓮

招陪慶中丞讌集景風閣分賦得絕句五首。

灘江下接陽江水萬箇煙巒曲繞城天遣遊人窮變態半教陰雨半教晴

城隅幽徑上連岑十五年前此醉吟惆悵湘南風景地落花飛絮又春深

洞口題名尚儼然後村詩句劇清妍 自注洞壁有休將擊

策憐劉季未信枯蓬便自賢 自注劉季晚可憐擊筑悲沛

後村詩 中語也 豐我老斷恐怕眠身等枯蓬

彌東詩鈔 卷二 三

駒子東遷竟未回居人猶說馬王臺斜陽滿地荆榛影空

見龜跌沒草萊

使君名德庇千廈諸老風流潤百河卻笑野夫無一事半

生贏得看山多

0739

117

020

